

ցիւն առաջին անգամ եկաւ այն ժամանակ, երբ Հայ ժողովուրդը ցնծութեամբ տօնում էր իր անկախութեան երկրորդ տարեդարձը, և այժմ, երբ լուծւում է հայկական հարցը: Հայ ժողովուրդը համաշխարհային այս պատերազմի ընթացքում ու դեռ նրանից շատ առաջ տուել է բազում գոհեր յանուն արդարութեան և ազատութեան. այսօր նա, իբր փոքր դաշնակից, հանդէպ Ֆրանսական ներկայացուցչի իրաւունք ունի պահանջելու, որ իր դատը արդար լուծում դառնի: Հայկական հարցը դաշնակից պետութեանց համար պատւի ու խղճի հարց է, և Հայ ժողովուրդը երբեք չէ թերահաւատել, որ դաշնակիցները արդարութեամբ և համաձայն խղճի թելադրանքի կը լուծեն այս տառապեալ ժողովրդի դատը: Ողջո՛յն դեղեցիկ, ազատասէր փրանսային, յանձին իր ներկայացուցիչ Դը Մարտէլի:

Սորհրդարանը բուռն ծափահարութեամբ ողջունում է Ֆրանսական ներկայացուցչին, որը շնորհակալութիւն յայտնելով՝ կարդում է հետեւեալ ճառը.

Պարոնայք, քանի որ ինձ վիճակւած է ներկայ լինել ձեր խորհրդարանի այս նիստին, թոյլ տւէք եղբայրական ողջոյնը հաղորդել ձեզ Ֆրանսական ժողովրդի, որ միշտ ուշադիր է և շահագրգռւած այն ճիգերի հանդէպ, որ դորժ են դնում ազգերը քաղաքակրթութեան և յառաջադիմութեան յաճախ ծանր ու դժւարին ճանապարհով վեր մագլցելու գործում:

Պատերազմն եղաւ երկար ու դժւարին: Մեր թշնամին, երկար ժամանակով նախապատրաստւած, հակառակ նրան հասած անընդհատ հարւածներին, չէր ուզում զիջել: Համաշխարհային տիրապետութիւն ստեղծելու խելագար վազքի մէջ՝ նա չտատանւեց կոչ անել ամենապատ ընտելներին բոլոր նրանց, որոնց համար մեր քաղաքակրթութիւնը խորտակելը հերթական մի խորհրդանշան դարձաւ:

Ուրանալով Պոլսում ի նպաստ փոքրամասնութիւնների միջամտութեան հնաւանդ քաղաքականութիւնը՝ գերմանական իմպերիալիզմը չտատանւեց մեղաւկից դառնալ իսլամին, որի կամքին էր թողնում, առանց պայմանի, այնքան դաժանօրէն տանջւած ժողովուրդներին:

Հայ ժողովուրդը 250,000 զինուոր ռուսական ճակատն ուղարկելուց յետոյ, չտատանւեց ամբողջովին ոտքի կանգնել: Մենք ունէինք արդէն բազմաթիւ կամաւորներ մեր օտար լեզիւնի մէջ. մենք տեսանք, թէ ինչպէս հայկական մի լեզիւն քաջութեամբ կուտւում էր մեր զինուորների հետ կողք կողքի:

Գերմանական պարտութիւնից և խաղաղութեան դաշն կնքելուց յետոյ էլ համաշխարհային պատերազմը դեռ իսպառ չէ վերջացած. թիւրքը չէ ուզում ընդունել իր անյաջողութիւնները և փորձում է դեռ գուր ճիգերով փրկւել իր անխուսափելի ճակատադրից:

Ձեր զինուորները գէնքը ձեռքին ստիպւած էին միշտ պաշտպանել Հայաստանի հողը և պայքարել նրա անկախութեան համար: Բայց վախճանը մօտ է, և թիւրքիան անխուսափելի ճնշման տակ պիտի խոնարհի յաղթող դաշնակիցների որոշակի արտայայտւած կամքի առաջ:

Շուտով մի արշալոյս կը ծագի Հայաստանի համար, որը, վերջապէս, պիտի կարողանայ ամբանալ խաղաղ կեանքով և աշխատել իր գիւղերը վերաշինելու ի միութարութիւն կոտորածներով փչացած և իրենց օճախներից վտարւած ազգաբնակչութեան:

Մեծ գործ է կատարւած, պարոններ, և մինչև նպատակն իսպառ իրագործելը բարի ցանկութիւնները շատ չպիտի համարել: Իրականութիւնը արհամարհելով չէ, այլ ընդհակառակը նրա ճակատին շեշտակի նայելով